


BERKELANA DI SANDAKAN

B/H 10/6/12 MS 20



Elopura
tepat
terjemahan
bandar
indah,
mewah alam
semula jadi

BERKUNJUNG ke Sandakan, Sabah yang terletak di timur laut Borneo meninggalkan banyak kenangan manis. Dari tingkap pesawat AirAsia yang mendarat di Lapangan Terbang Sandakan, mata yang letih tiba-tiba segar dengan pemandangan meng-hijau dari udara hutan belantara luas yang belum diteroka.

Usai pemeriksaan bagasi, beberapa wakil dari Lembaga Pelancongan Sabah menyambut kedatangan dengan senyum simpul. Tanpa berlehang rombongan wakil media tempatan dan Singapura dibawa menaiki bas menuju ke Teluk Labuk untuk ke kawasan perlindungan monyet Belanda (Proboscis Monkey atau nama saintifik *Nasalis larvatus*), Labuk Bay Proboscis Monkey Sanctuary.

Terletak 38 kilometer dari Lapangan Terbang Sandakan, perjalanan lebih sejam untuk sampai ke Teluk Labuk memberi kesempatan wakil Lembaga Pelancongan Sabah mengalu-alukan kehadiran rombongan media ke negeri di bawah bayu.

Diwujudkan lebih 36 tahun lalu, Lembaga Pelancongan Sabah optimis Sabah yang kaya dengan pelbagai produk pelancongan mempesona bagi memancing kunjungan pelancong domestik atau antarabangsa.

Jalan raya ke Teluk Labuk hampir sebahagian daripadanya

diperbuat daripada batu kelikir tanpa bitumen dan selebihnya jalan bertar. Sepanjang perjalanan, ladang kelapa sawit di kiri dan kanan terbentang luas. Setibanya di Labuk Bay Proboscis Monkey Sanctuary, matahari sudah rembang dan tiba masanya petugas di kawasan perlindungan memberi makanan kepada sekumpulan Monyet Belanda.

Dikenali sebagai Bangkatan ataupun Bayau di kalangan masyarakat tempatan, haiwan pemalu ini hidup berkumpulan di kawasan hutan bakau sepanjang pantai dan redang bakau di tebing-tebing sungai.

Berbulu warna keemasan, berperut boyot dan berhidung panjang umpama seludang, monyet Belanda yang hanya ditemui di Sabah dan Sarawak ini menjadi tumpuan pelancong tempatan dan antarabangsa yang tidak mahu melepaskan peluang menyaksikan sendiri ragam dan tabiat spesies haiwan unik ini.

Leka melihat keletah monyet Belanda yang gelojoh makan buah-buahan, perut yang kosong mula berkeroncong. Sebelum bertolak ke Sukau yang mengambil masa dua jam perjalanan, rombongan media dijamu hidangan tengahari enak lauk-pauk tempatan di sebuah restoran dikelilingi hutan paya bakau.

Sebaik saja sampai di Sukau, mod pengangkutan pun berubah. Untuk sampai ke rumah penginapan, Borneo Nature

Lodge, Sungai Kinabatangan diharungi dengan menaiki bot laju.

Santuari Hidupan Liar di hilir Kinabatangan yang dibuka pada 1984 menjadi daya tarikan pelancong tempatan dan antarabangsa untuk melihat sendiri kehidupan beberapa spesies monyet seperti monyet Belanda, orang utan, kera hantu, hongkong, ungka dan beruk di habitat semula jadinya.

Di sepanjang sungai ini ada beberapa chalet yang boleh dijadikan tempat penginapan sementara sepanjang tempoh percutian. Pelancong juga boleh melihat reka bentuk rumah tradisional dan menyaksikan sendiri corak kehidupan dan aktiviti harian penduduk di Kampung Sukau yang begitu akrab dengan sungai. Bot untuk merentasi Sungai Kinabatangan sentiasa tersedia sebagai satu-satunya kaedah pengangkutan yang praktikal di lokasi ini.

Suasana senjajala di Sungai Kinabatangan sungguh mengasyikkan dan permai. Menikmati udara petang sambil menyusuri sungai, mata ralit melihat keletah burung enggang jambul putih (*Berenicornis comatus*) yang duduk bertenggek pada sebatang pohon. Kecantikannya nyata memukau pandangan kala spesies burung eksotik ini mengembangkan sayap untuk terbang.

Hari kedua di Kinabatangan, cahaya kemerah-merahan di langit timur menjelang matahari



BH 10/6/12 MS 21

terbit sudah kelihatan seawal jam empat pagi. Sudah jadi rutin masyarakat setempat untuk bangkit daripada lena sebelum fajar menyingsing. Seawal jam 6.30 pagi, Sungai Kinabatangan disusuri dalam kedinginan pagi.

Hutan lembap tropika mengandungi sebahagian besar daripada spesis flora dan fauna di dunia ini. Pelancongan yang berteraskan sumber dan pemeliharaan alam semula jadi seperti flora, fauna, tasik dan sungai atau ekopelancongan antara produk pelancongan paling giat dipromosikan di Sabah. Daerah Kinabatangan selain kaya dengan khazanah hidupan hutan, turut berperanan sebagai kawasan perlindungan alam semula jadi, flora dan fauna.

Menikmati sarapan ringan diatas bot sambil mendengar penerangan ringkas Pengarah Urusan North Borneo Safari Sdn. Bhd dan pencinta burung, Cede Prudente mengenai rencam hidupan liar yang bermastautin di hutan Borneo.

Keragaman spesies burung di hutan hujan khatulistiwa merangsang semangat anak jati Sabah ini menjelajahi hutan tebal dan semak belukar demi untuk merakamkan keindahan landskap pemandangan alam semula jadi yang terdapat di Sabah. Keunikan spesies hidupan liar yang diabadikan dalam bentuk fotografi dan video turut menarik minat bintang filem antarabangsa seperti Datuk Seri Michelle Yeoh, Zhang Ziyi dan hos rancangan popular, Martha Stewart melalui sendiri pengalaman program pemeliharaan

haraan tumbuhan paya bakau, rombongan media mengambil inisiatif menanam 30 batang pokok bakau di sebuah lokasi terpencil di tebing Sungai Kinabatangan. Terik mentari tidak membantutkan semangat rombongan media memberikan sumbangan kerdil demi kepentingan alam sekitar.

Rembang petang pada hari kedua menghadirkan pengalaman yang mungkin hanya datang sekali seumur hidup. Sekawan gajah berjumlah lebih 80 ekor datang bermain di tebing Sungai Kinabatangan sambil memamah rumput yang tumbuh meliar di tebing sungai. Menurut orang kampung, bukan selalu pemandangan seperti itu dapat disaksikan orang luar yang bertandang ke daerah Kinabatangan.

Melihat dengan mata kepala sendiri segerombolan gajah menghancurkan makanan di dalam mulut, ada kalangan pelancong asing yang terlopong kekaguman melihat sesuatu yang mungkin sama sekali mustahil dapat dilihat di negara sendiri.

Malam berlabuh. Usai menikmati makan malam sekali lagi Sungai Kinabatangan disusuri. Pekat malam dihiasi kerlipan bintang yang berselerakan di dada langit. Agak mencemaskan meredah sungai dalam kegelapan malam bimbang jadi habuan sang buaya yang sentiasa mahu mencari mangsa. Menurut jurumudi bot laju, binatang reptilia berkulit keras itu khabarnya baru saja memamah seekor anjing yang sedang

bongan media perlu tiba seawal-lewatnya sebelum jam 10 pagi, waktu makan Orang Utan di pusat perlindungan atau santuari yang tersohor dikalangan pencinta haiwan serata dunia itu.

Kawasan seluas 4,294 hektar di Hutan Simpan Kabili-Sepilok adalah pusat perlindungan bagi merawat bayi Orang Utan yatim, piatu dan Orang Utan yang cedera sebelum dilepaskan kembali ke habitat asal.

Di bawah pemantauan Jabatan Hidupan Liar Sabah, pusat perlindungan itu menjadi tumpuan penyelidik, pelancong tempatan dan antarabangsa melihat lebih dekat habitat semula jadi Orang Utan atau nama saintifiknya, Pongo pygmaeus.

Akhirnya bandar Sandakan yang membawa maksud 'tanah yang digadai' di dalam bahasa Suluk menjadi perhentian terakhir rombongan media sebelum kembali ke Kuala Lumpur. Sandakan pada suatu ketika dikenali dengan nama 'Elopura' sebenarnya berasal daripada bahasa Sanskrit iaitu 'Ero Pula', membawa maksud 'bandar yang indah'.

Sandakan sebuah bandar pelabuhan yang pernah menjadi pusat pentadbiran negeri Borneo Utara sebelum berpindah ke Jesselton (kini Kota Kinabalu) semakin rancak membangun namun itu tidak bermakna keindahan alam semula jadi menjadi korban demi mengejar pembangunan. Hutan dara yang belum pernah dinodai masih lagi ditemui di bandar yang pernah menerima

menikmati pemandangan dan hidupan liar melalui sebuah jambatan gantung sepanjang 300 meter yang merentangi kawasan RDC.

Di RDC generasi muda khususnya pelajar sekolah turut didedahkan mengenai kajian ekosistem ekologi yang menyentuh mengenai hubungan dan interaksi komuniti haiwan dan tumbuh-tumbuhan dengan persekitaran fizikalnya.

Mengisi waktu senggang di petang hari, pengalaman menikmati minum petang sambil menikmati panorama senja di atas kapal persiaran di Teluk Sandakan mengundang detik manis yang tersendiri. Sambil bercanda dan bergambar bersama rakan media bagi mengabadikan kenangan, puputan bayu Teluk Sandakan yang berhembus lembut begitu menenangkan. Menikmati makan malam di sebuah restoran menghidangkan makanan laut yang terkenal di situ. Segar, murah dan lazat, hidangan yang dipesan terdiri daripada udang, ketam dan siput dimasak dengan resepi ringkas namun amat menggoda selera.

Hari keempat dan terakhir, pagi-pagi lagi bergegas ke Pasar Sandakan untuk membeli keropok, belacan, ikan masin serta manisan tradisional untuk dibawa pulang. Rakan media wanita pula leka membelek kain batik corak Pua Kumbu sebelum riuhtarawar menawar dengan pekedai.

Taman Peringatan Sandakan atau Sandakan Memorial Park yang dibina di bekas tapak khe-





Orang Utan dan usaha konservasi alam sekitar.

Sabah antara salah sebuah negeri di Malaysia memiliki biodiversiti tertinggi. Pelbagai spesies flora melatari landskap semula jadi dan antara tumbuhan yang menjadi identiti daerah Kinabatangan adalah paya bakau.

Menyokong usaha pemuliharaan yang pernah memulau jolokan 'Little Hong Kong' ini.

Meskipun keadaan sekeliling hitam pekat, andai bernasib baik dapat juga menyaksikan haiwan nokturnal seperi burung hantu yang aktif pada waktu malam.

Hari terakhir di Kinabatangan, bertolak awal pagi ke Pusat Perlindungan Orang Utan di Sepilok. Mengikut jadual, rom-

Kewujudan pusat pendidikan hutan hujan malar hijau tropika, Rainforest Discovery Centre (RDC) menjadi pemangkin kepada usaha memelihara dan melindungi khazanah alam yang tidak ternilai harganya.

Di sini pengunjung diajak untuk bersahabat dengan alam yang tidak tercemar sambil

yang dibina di bekas tapak kemas tawanan perang terletak di Taman Rimba Sandakan di Batu Tujuh menjadi destinasi terakhir dikunjungi sebelum menaiki perut pesawat berangkat pulang ke ibu negara.

INFO

- Penerbangan AirAsia ke Sandakan beroperasi empat kali sehari (sebanyak 28 kali seminggu) dari Kuala Lumpur ke Sandakan dan sebaliknya.
- Statistik ketibaan pelawat termasuk pelancong asing yang dikeluarkan Lembaga Pelancongan Sabah merekodkan seramai 211,627 pelancong melawat Sandakan dalam tempoh dua bulan pertama tahun ini dengan lebih 50 peratus melakukan lawatan berulang.



PENGALAMAN menarik menyusuri Sungai Kinabatangan yang kaya dengan pemandangan indah.